



Broj: 05/1-18-020808/23
Tuzla, 14.06.2023.god.

Na osnovu člana 4. Odluke Vlade Tuzlanskog kantona o utvrđivanju uslova i kriterija, načinu i postupku raspodjele novčanih sredstava za kapitalne transfere u oblasti turizma, broj 02/1-18-9454/23 od 04.05.2023.godine, Ministar trgovine, turizma i saobraćaja Tuzlanskog kantona raspisuje:

JAVNI POZIV

za podnošenje prijava za dodjelu bespovratnih sredstava za kapitalne transfere u oblasti turizma na području Tuzlanskog kantona za 2023. godinu

1. PREDMET POZIVA

Predmet Javnog poziva je dodjela bespovratnih sredstava za kapitalne transfere u oblasti turizma kao oblik sufinansiranja projekata iz oblasti turističke infrastrukture sa ciljem obogaćivanja turističke ponude i jačanja konkurentnosti privatnog poduzetništva Tuzlanskog kantona na turističkom tržištu Bosne i Hercegovine i regiona, a u skladu sa Odlukom Vlade Tuzlanskog kantona, broj 02/1-18-9454/23 od 04.05.2023.godine (u daljem tekstu: Odlukom) i Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj 15/18).

2. SVRHA DODJELE SREDSTAVA

Bespovratna finansijska sredstva dodjeljivat će se za sufinansiranje projekata iz oblasti poslovne turističke infrastrukture, koji se realiziraju isključivo na području Tuzlanskog kantona.

Pod projektima poslovne turističke infrastrukture, u skladu sa Odlukom, podrazumijevaju se projekti koji se provode u okviru ugostiteljskih objekata iz skupine hoteli, objekata u domaćinstvu, objekata u seoskom domaćinstvu, te ugostiteljskih objekata iz skupina „restorani“ i „barovi“, koji za cilj imaju obogaćivanje turističke ponude i jačanje konkurentnosti na turističkom tržištu kroz izgradnju i opremanje dodatnog sadržaja kao što su:

- bazeni,
- spa i wellness,
- sport i rekreacija,
- igraonice za djecu,
- bašte,
- kino sale,
- fitness sale,
- sale za sastanke,
- animacija,
- tematski parkovi i izletišta,
- konjički, lovni i ribolovni, aktivni i pustolovni, cikloturistički, kreativno-edukativni sadržaji,
- sadržaji vezani za etno zbirke i tradicijske zanate,

- poljoprivredne aktivnosti namijenjene turistima i drugi sadržaji.

Bespovratna sredstva odobravat će se za sufinansiranje izgradnje, dogradnje, rekonstrukcije ili adaptacije, uređenje i opremanje objekata poslovne turističke infrastrukture u okviru predloženih projekta.

Bespovratna sredstva neće se odobravati za projekte kojima se vrši izgradnja, dogradnja, rekonstrukcija ili adaptacija ugostiteljskog sadržaja (restorana, kuhinje, kupatila i drugih sanitarnih prostora), nabavka kuhinjske i druge ugostiteljske opreme, kao i ugostiteljskog inventara.

3. PRAVO UČEŠĆA

Potencijalni podnosioci prijave, odnosno korisnici bespovratnih sredstava su privatna preduzeća i fizička lica - samostalni poduzetnici registrovani za obavljanje turističko ugostiteljske djelatnosti.

Pravo učešća po ovom Javnom pozivu i dodijelu bespovratnih sredstava ima podnosilac prijave/korisnik koji ispunjava slijedeće kumulativne uslove:

- a) da ima registrirano sjedište ili poslovnu jedinicu na teritoriji Tuzlanskog kantona,
- b) da je izmirio obaveze po osnovu direktnih poreza i doprinosa zaključno sa 31. martom 2023.godine.

U slučaju da podnosilac prijave/korisnik ne ispunjava navedene kumulativne uslove njegova prijava, bez obzira na ostalu podnesenu dokumentaciju, neće biti razmatrana.

Podnosioci prijave imaju mogućnost prijave samo jednog projekta iz navedene oblasti obuhvaćene ovim Javnim pozivom.

4. PODNOŠENJE PRIJAVE

Prijavu podnose korisnici koji ispunjavaju prethodno navedene kriterije za pravo učešća.

Podnosioci prijave koji ostvaruju pravo prijave na ovaj Javni poziv obavezni su dostaviti zahtjev i dokumentaciju propisanu Javnim pozivom kako slijedi:

4.1. ZAHTJEV

Prijava se podnosi dostavljanjem propisanog obrasca br.1 - Obrazac prijave za dodjelu novčanih sredstava za kapitalne transfere u oblasti turizma na području Tuzlanskog kantona za 2023.godinu, koji se može preuzeti na web stranici Ministarstva trgovine, turizma i saobraćaja Tuzlanskog kantona: <http://mtstk.gov.ba>, odnosno Vlade Tuzlanskog kantona: <http://vladat.kim.ba> i sastavni dio je ovog Javnog poziva.

Podnosilac prijave obavezno popunjava sve rubrike u zahtjevu isključivo na računaru i isti ovjerava potpisom ovlaštenog lica i pečatom privrednog subjekta.

4.2. DOKUMENTACIJA

Korisnik uz popunjeni Obrazac prijave za dodjelu novčanih sredstava za kapitalne transfere u oblasti turizma na području Tuzlanskog kantona za 2023.godinu dostavlja i slijedeću dokumentaciju:

1) Obrazac br. 2 za Budžet/finansijski plan projekta sa traženim elementima, koji se može preuzeti na web stranici Ministarstva (ukoliko je budžet izrađen na osnovu ponuda, potrebno je uz budžet dostaviti i ponude) - ispunjen, potpisan, ovjeren i u cjelosti popunjen isključivo na računaru.

2) Rješenje o registraciji – original ili ovjerena kopija

- za pravna lica - kopija Rješenja iz sudskog registra (ukoliko pravno lice obavlja ugostiteljsku djelatnost

preko poslovnih jedinica, i za iste podnosi zahtjev, sve moraju biti navedene u izvodu iz sudskog registra),

- za fizička lica – kopija Rješenja kojim se odobrava rad fizičkom licu izdato od strane nadležnog općinskog/gradskog organa;

- 3) Rješenje o ispunjavanju minimalnih uvjeta postojećih ugostiteljskog objekta i uvjeta za kategorizaciju (ovjerena kopija):
 - Rješenje kojim su utvrđeni minimalni uvjeti i uvjeti za kategoriju, izdato od strane Federalnog ministarstva okoliša i turizma, Ministarstva trgovine, turizma i saobraćaja ili nadležnog općinskog/gradskog organa, u zavisnosti od vrste i kategorije ugostiteljskog objekta za smještaj; (za ugostiteljske objekte kojima je propisana obavezna kategorizacija - ugostiteljski objekti za smještaj)
- 4) Uvjerenje o poreznoj registraciji kod Porezne uprave FBiH – ID broj – original ili ovjerena kopija.
- 5) Obavještenje o razvrstavanju prema klasifikaciji djelatnosti – original ili ovjerena kopija.
- 6) Uvjerenje o urednom ispunjavanju obaveze plaćanja poreza i doprinosa (direktnih i indirektnih) ne starije od 60 dana.

Ukoliko podnositelj prijave nije obveznik indirektnih poreza podnosi izjavu kojom potvrđuje da nije obveznik indirektnih poreza i istu potpisuje odgovorno lice i ovjerava pečatom podnosioca prijave.
- 7) Potvrdu ili uvjerenje suda prema sjedištu pravnog lica (original ili ovjerena kopija):
 - da nije pokrenut postupak stečaja ili likvidacije, da nije izrečena mjera zabrane obavljanja djelatnosti za pravno lice,
 - da odgovorna osoba pravnog subjekta (preduzeća ili samostalni poduzetnik), koji aplicira za dodjelu bespovratnih sredstava, u krivičnom postupku nije osuđena pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini.
- 8) Vremenski plan realizacije predloženih aktivnosti i finansiranja (obrazac u prilogu Javnog poziva).
- 9) Ugovor sa bankom o otvaranju transakcijskog računa na koja će se doznačiti odobrena sredstva (kopija)
- 10) Potpisanu izjavu o namjeri i iznosu vlastitog sufinansiranja (prijedlog izjave u prilogu Javnog poziva).
- 11) Izjava o nepostojanju dvostrukog finansiranja;
- 12) Izjavu o korištenim podrškama male vrijednosti (izjava u prilogu Javnog poziva).
- 13) Foto dokumentaciju trenutnog stanja prijavljenog projekta (foto dokumentacija treba biti složena i zalijepljena na čistom papiru).
- 14) Dokaz o sufinansiranju, ukoliko je projekat sufinansiran i iz drugih izvora (izjava finansijera o učešću i visini sredstava učešća, ovjerena i potpisana od strane ovlaštenog lica finansijera).
- 15) Dokaze o vlasničkom ili drugom stvarno-pravnom statusu prema objektu ili području realizacije projekta, odnosno kopije ZK izvadaka svih katastarskih čestica iz obuhvata projekta (ne starije od 30 dana). Ako objekt ili područje realizacije projekta nisu u 100% vlasništvu podnosioca prijave prilaže se ovjerena izjava da su vlasnici ili suvlasnici saglasni s provedbom projekta odnosno dokaz o pravu raspolaganja tim zemljištem (ugovor o korištenju ili zakupu ili koncesiji minimalno na 10 godina, sporazum o zamjeni zemljišta, punomoć, rješenje ili dr.).
- 16) Izvod iz tehničke dokumentacije o projektu (predmjer građevinskih i zanatskih radova, idejno rješenje, tlocrti, izgled objekta ili predmeta projekta), izrađenu i ovjerenu od ovlaštenog inženjera i dostavljenu u printanoj verziji;
- 17) Uvjerenje nadležnog tijela o usklađenosti zahvata projekta s važećom prostorno-planskom dokumentacijom (ne starije od 60 dana).
- 18) Urbanističku ili građevinsku dozvolu za projekte koji su u fazi realizacije ili imaju projektnu dokumentaciju, odnosno potvrdu nadležnog tijela da za navedene aktivnosti nije potrebno ishoditi građevinsku dozvolu za projekte koji su u fazi idejnog rješenja.
- 19) Ako se prijavljuje nabava opreme, prilažu se odgovarajuće ponude dobavljača s tehničkim opisom opreme koja se nabavlja i usklađenost iste sa idejnim rješenjem koje se odnosi na projekat.

NAPOMENA: Tražena dokumentacija mora biti popunjena, složena, numerisana i uvezana kako je to navedeno u Javnom pozivu. U protivnom prijava neće biti razmatrana.

5. SREDSTAVA ZA DODJELU

U skladu sa Odlukom, a na osnovu Budžeta Tuzlanskog kantona za 2023.godinu („Službene novine Tuzlanskog kantona“ broj 22/22 i 3/23) ukupna raspoloživa finansijska sredstva u okviru ovog Javnog poziva iznose 300.000,00 KM.

Bespovratna sredstva dodijeljena po jednoj prijavi mogu iznositi od minimalno 10.000,00 KM do maksimalno 30.000,00 KM.

Za svaki predloženi projekat nosilac prijave mora obezbjediti novčano sufinansiranje u iznosu od najmanje 50% od ukupnog iznosa predložene investicije/intervencije.

Ukupni budžet prijedloga projekta, uključujući i sufinansiranje podnosioca prijave, ne može biti manji od 20.000,00 KM.

Program zadržava pravo da ne raspodijeli sva raspoloživa sredstva, u slučaju da kvalitet projektnih prijedloga ne bude zadovoljavajući i da ne ispunjavaju sve definirane kriterije.

6. IZBOR KORISNIKA I PRAVNA ZAŠTITA

Pregled prijava i dokumentacije, obradu i kontrolu podataka, te ocjenu o ispunjavanju uslova vršit će Komisija imenovana rješenjem Ministra trgovine, turizma i saobraćaja Tuzlanskog kantona.

Pri odlučivanju o odabiru projekata i dodjeli bespovratnih sredstava uzimat će se u obzir sljedeći posebni kriteriji:

KRITERIJI ZA OCJENJIVANJE PRIJAVA			BODOVI	NAJVIŠE
1	Faza realizacije, odnosno pripreme projekta	Projekat već u fazi realizacije	15	do 15
		Urađena projektna dokumentacija	10	
		Projekat u fazi idejnog rješenja	5	
2	Udio vlastitih ili drugih sredstava	≥70%	20	do 20
		≥60%	15	
		≥50%	10	
3	Ostali kriteriji	Kakav je značaj i relevantnost projekta za razvoj cjelokupne turističke ponude Kantona i područja na kojem se projekt realizira (povećanje ekonomske razvijenosti, povećanje turističke ponude, značaj za poduzetništvo u ugostiteljstvu i turizmu, produženje turističke sezone, staze u funkciji aktivnog turizma)	do 15	
		Projekt pridonosi razvoju selektivnih oblika turizma, te se temelji na autohtonim vrijednostima, tradiciji, kulturi i običajima	do 10	

	Ocjena koristi projekta za širu zajednicu (pristupačnost projekta osobama s invaliditetom, smanjenom pokretljivošću ili drugim ranjivim skupinama)	do 5	do 65
	Inovativnost i kreativnost projekta	do 5	
	Da li je prijedlog projekta održiv u smislu nastavka funkcioniranja i održavanja i nakon završetka implementacije projekta?	do 10	
	Da li su očekivani rezultati izvodljivi, dobro opisani (mjerljivi i kvantificirani)?	do 5	
	Da li je predloženi budžet realan, jasan i usklađen s projektom?	do 5	
	Investicija će rezultirati kreiranje novih radnih mjesta	do 10	
	UKUPNO		100

Podnosilac prijave može ostvariti maksimalno 100 bodova po prijavljenom projektu.

Samo oni prijedlozi projekata koji ostvare 60 i više bodova od mogućih 100 uvrštavaju se na rang listu za finansiranje u okviru raspoloživih sredstava.

Obzirom na ograničenu visinu raspoloživih sredstava prijave pristigle po objavljenom Javnom pozivu obrađuju se i rangiraju po redoslijedu zaprimanja.

Ministarstvo trgovine, turizma i saobraćaja Tuzlanskog kantona može, u toku provođenja postupka, pribavljati podatke od nadležnih inspekcijskih i drugih organa, odnosno od korisnika tražiti dodatna pojašnjenja, izjave i druge dokumente od značaja za pravilno rješavanje po prijavi.

Ministarstvo trgovine, turizma i saobraćaja Tuzlanskog kantona će objaviti Preliminarnu listu odabranih korisnika koji ispunjavaju uslove i kriterije definisane Javnim pozivom, na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladatk.kim.ba> .

Na rezultate Preliminarne liste podnosioci prijave, mogu uložiti pisani prigovor ministru na način i adresu kao i kod podnošenja prijave, uz prilaganje odgovarajućeg dokaza, u roku od 5 (pet) dana od dana objave Preliminarne liste.

Odluku o prigovoru donosi ministar u roku od 5 (pet) dana od dana isteka roka za prigovor i odluka ministra po izjavljenom prigovoru je konačna.

Po okončanju roka za prigovor i nakon rješavanja prigovora ministar donosi Odluku o utvrđivanju konačne liste projekata sa podacima o podnosiocu prijave, nazivu projekta i visini odobrenih sredstava.

Konačna lista će biti objavljena na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladatk.kim.ba> .

U roku od 15 dana od dana donošenja Odluke o utvrđivanju konačne liste, ministarstvo zaključuje ugovore sa odabranim korisnicima, kojim će regulisati međusobna prava, obaveze i odgovornosti.

7. ROK ZA DOSTAVLJANJE PRIJAVA

Rok za dostavljanje prijava je 30 (trideset) dana od dana objave ovog Javnog poziva.

Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mtsttk.gov.ba/> i web stranici Vlade Tuzlanskog kantona: <http://vladatk.kim.ba/>.

Nepotpune i neblagovremene prijave na ovaj Javni poziv neće se uzeti u razmatranje.

8. MJESTO I NAČIN PODNOŠENJA PRIJAVA

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, preporučeno putem pošte na adresu:

Ministarstvo trgovine, turizma i saobraćaja Tuzlanskog kantona,

Mije Keroševića 20

75000 Tuzla,

ili lično na centralnu pisarnicu Vlade Tuzlanskog kantona u zgradi Tehnograd Company, u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:

NE OTVARATI - Prijava na Javni poziv za dodjelu bespovratnih sredstava za kapitalne transfere u oblasti turizma na području Tuzlanskog kantona za 2023. godinu

Na poledini zatvorene koverta obavezno je navesti **naziv i adresu i kontakt telefon podnosioca prijave.**

9. OSTALE ODREDBE

Odabrani korisnici bespovratnih sredstava se obavezuju promovisati u svojim javnim nastupima provedbu projekta i ostvarene rezultate, kroz svoje promotivne aktivnosti navoditi Vladu uzlanskog kantona/Ministarstvo trgovine, turizma i saobraćaja Tuzlanskog kantona kao instituciju koja sufinansira projekt i isto potkrijepiti dokazima (info tabele, brošure, promotivni materijal u digitalnom obliku, plakati, videozapisi, članci iz novina i sl.) prilikom podnošenja Izvještaja o utrošenim sredstvima.

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu. Prijava (dostavljeni zahtjev i dokumentacija) po ovom Javnom pozivu ne vraća se podnosiocu prijave.

Sva dodatna pitanja u vezi ovog Javnog poziva mogu se postaviti svakim radnim danima u terminima od 12 do 14 sati na jedan od slijedećih brojeva telefona 035/ 369 486 i 035/369 418.



MINISTAR

Denis Bećirović